

SARS E IKEMIŠEDITŠE GO PHETHAGATŠA KOKETŠO YA TEKANYO YA VAT

Pretoria, 27 Matšhe 2018 – Ditirelo tša Motšhelo tša Afrika Borwa (SARS) di ikemišeditše go phethagatša koketšo ya Motšhelo wa Boleng bja go Oketšwa (VAT) yeo e begilwego ke Tona ya Ditšhelete ka Feberware.

Tona o begile gore tekanyo ya VAT e tla oketšwa go tloga go 14% go ya go 15% go tloga ka 1 Aprele 2018.

Dihlopha tša SARS di be di šomana le diphetogo go mekgwatšhomo yeo e dirišwago go amogela ditaodišo tša VAT tše di dirilwego ke barekiši le go tlhakantšha dipušetšo tše dingwe le tše dingwe tša VAT goba VAT yeo e kolotwago SARS. Diphetogo tša foromo ya VAT201 di dirilwe go laetša koketšo go tekanyo ya VAT.

Barekiši bao ba dirišago SARS eFiling go romela dipušetšo tša bona tša VAT gomme ba šetše ba bolokile dipušetšo tša sebaka pele le ka morago ga 1 Aprele 2018 ba tla lemoga gore dipušetšo tše di bolokilwego di tlošitšwe ka ge di na le ditekanyo tša VAT tša go fošagala. Barekiši ba swanetše go kgopela VAT201 empsha go eFiling.

SARS e rata go tutuetša barekiši gore ba mpshafatše mekgwatšhomo ya bona go nyalelana le tekanyo empsha ya VAT ka peakanyo ya 1 Aprele 2018. Se se tla fokotša tlhakatlhakano go barekiši gomme go tla ba bonolo go barekiši go dula ba obamela motšhelo le go dira ditaodišo tša maleba go SARS.

Barekiši ba hlohleletšwa go etela [letlakala la wep la Motšhelo wa Boleng bja go Oketšwa](#) mo ba tla hwetšago [Tlhahli ya ka Potleng](#) le go ba thuša go kwešiša dikamano tša koketšo ya tekanyo ya VAT go mehuta ya go fapana ya ditransekšene.

SARS e tshamile aterese ya emeile ya tekanyo ya VAT go VATRateEnquiries@sars.gov.za, mo barekiši ba ka romelago dipotšišo le dinyakišišo tša bona. Barekiši ba ka ikgokaganya le SARS Contact Centre go 0800 00 7277.